

Худонинг Каломи Пайғамбар Уилльям Маррион Бранхамга келди

“Исо Масих Худодир”

Энди мана ваҳий: Исо Масих Худодир. Эски Аҳднинг Иеговаси Янги Аҳднинг Исосидир. Сиз қанча уринманг, УЧТА Худо мавжуд деб исбот қила олмайсиз. Бироқ Унинг Ягона эканлиги тўғрисидаги ҳақиқатни тушунишингиз учун Муқаддас Рухдан ваҳий талаб қилинади. Эски Аҳднинг Иеговаси Янги Аҳднинг Исоси эканлигини тушуниш учун ваҳий талаб қилинади. Иблис жамоатга кириб олди ва инсонларни бу ҳақиқатга нисбатан кўр қилиб қўйди. Ва улар кўр бўлиб қолишганида, Рим Жамоати инсонларни Раббим Исо Масих Номига сувга чўмдиришларини тақиқлаб қўйиши учун кўп вақт талаб қилинмади.

Мен тан олишим керакки, шу кунларда Худойи Таоло ҳақидаги ҳақиқатни кўриш учун, айниқса, атрофимизда Ёзув шунчалик бузилаётган бир пайтда, Муқаддас Рухдан ҳақиқий ваҳий талаб қилинади. Лекин ғалаба қозонаётган жамоат ваҳийда қурилган, шунинг учун биз Худо Ўзининг ҳақиқатини бизга очиб беришини кутишга ҳақлимиз. Бироқ сувда чўмилиб имон келтириш учун ваҳий талаб қилинмайди. Бу аниқ сизнинг кўз ўнгингизда турибди. Ахир ҳаворийларни ҳеч бўлмаса бир дақиқага Раббийнинг тўғридан—тўғри берилган Ота, Ўғил ва Муқаддас Рух номи билан сувда чўмилиб имон келтириш кўрсатмасига амал қилмасликка кўндириб ва сўнг эса уларни атайлаб қилинган итоатсизликда топиш мумкинмиди? Улар Номнинг нима эканлигини билишар эди ва уларнинг Раббим Исо Масих Номига сувда чўмдиришдан ташқари бошқача чўмдириши мумкинлиги Ёзувнинг ҳеч бир жойида йўқ. Соғлом идрок бизга шуни кўрсатмоқдаки, Ҳаворийлар Китоби ҳаракатдаги жамоатни ифодалайди ва агар улар шундай тарзда сувга чўмдиришган бўлса, демак шундай чўмдириш зарур бўлган. Агар бу шундай жиддий экан, унда сиз бу тўғрида қандай ўйлайсиз? Раббим Исо Номига сувда чўмилиб имон келтирмаган ҳар қандай киши яна қайтадан чўмилиб имон келтириши лозим.

Ҳаворийларнинг 19:1-6: “Аполлос Коринф шаҳрида бўлганида, Павел тоғли вилоятларни кезиб ўтиб, Эфес шаҳрига келди. У ерда бир неча Исо шогирдини топиб, улардан сўради: ‘Сизлар имон келтирганингизда Муқаддас Рухни қабул қилдингизларми? Муқаддас Рух борлигини биз ҳеч қачон эшитмаганмиз,— деб жавоб берди улар. Бундай бўлса, сизлар қай асосда чўмилиб имон келтиргансизлар?— деб сўради Павел. Биз Яҳё пайғамбарнинг таълимоти асосида чўмилиб имон келтирганмиз, — деб жавоб бердилар. Павел деди: Яҳё пайғамбар халқни дарёга чўмилтириб, тавба қилдирган эди, холос. У халққа: Мендан кейин келадиган Зотга, яъни Исо Масихга инонинглар, деб айтган эди. Улар бунини эшитгач, Раббимиз Исо номидан ҳам чўмилиб имон келтирдилар. Павел қўлларини уларнинг бошига қўйиши билан Муқаддас Рух уларнинг устига тушиб келди. Улар бошқа—бошқа тилларда гапириб, каромат қила бошладилар’.” Мана шунақа. Эфеслик бу меҳрибон кишилар келаётган Нажоткор тўғрисида эшитган эдилар, Яҳё У ҳақда воизлик қилган эди. Улар Исога бўлган КЕЛГУСИ ишончни кутиб гуноҳларда тавба қилиш учун сувга чўмилиб имон келтиришган эди. Энди эса улар учун ЎТМИШГА Исога қараш ва гуноҳлардан ОЗОД БЎЛИШ чўмдирилишини олиш вақти келди. Ҳозир Муқаддас Рухни қабул қилиш вақти. Ва улар Раббим Исо Масих Номига чўмилиб имон келтирганларида, Павел уларга қўлини қўйди ва уларнинг устига Муқаддас Рух тушиб келди.

О, бу Эфесдаги меҳрибон йигитлар яхши инсонлар эди; ва агар ким бўлса ҳам ўзини беҳавотирман дейишга ҳақлиман деса, бу, албатта, улар бўлади. Эътибор қилинг, улар қанчалик олисга илгарилаб кетишган. Улар келаётган Нажоткорни қабул қилишгача бўлган бутун масофани босиб ўтишди. Улар Унинг келишига тайёр эдилар. Лекин эътибор бермадингизми, улар шунга қарамасдан Уни ўтказиб юбордилар? У келди ва кетди. Улар Раббим Исо Масих Номига чўмилиб имон келтиришга муҳтож эди. Улар Муқаддас Рухга тўлишлари лозим эди.

Агар сиз Раббим Исо Масих Номига чўмилиб имон келтирган бўлсангиз, Худо сизни Ўз Рухи билан тўлдиради. Калом шундай дейди. Биз ўқиган Ҳаворийларнинг 19:6 Ҳаворийларнинг 2:38 да айтилганларнинг ижроси ҳисобланади: “Тавба қилинглр ва гуноҳларингиз

кечирилиши учун ҳар бирингиз Исо Масих номидан сувга тушиб имон келтиринглар. Шундай қилиб Муқаддас Рух инъомини оласизлар”. Қаранг, Пётр Муқаддас Рух билан нима деган бўлса, Павел ҳам Муқаддас Рух билан худди шуни айтди. Ва айтилган нарсани ўзгартириб БЎЛМАЙДИ. Эллигинчи кундан то охириги танланган чўмилиб имон келтиргунча, худди ўша нарса бўлиши керак. Гал. 1:8: “Борди—ю биз ёки ҳатто осмондан бирон фаришта келиб, ўзимиз сизларга ўргатган Инжилдан бошқа бир Хушхабар келтирса, лаънати бўлсин”.

Ҳозир сизларнинг айримларингиз, яккачилар, бошқаларни сувга нотўғри чўмдирасиз. Сиз худди сувга тушиш сизни қутқарадигандек, қайтадан туғилиш учун сувга чўмдирасиз. Қайтадан туғилишга сув ёрдамида эришиб бўлмайди; бу Рухнинг иши. Муқаддас Рух номидан “Тавба қилинг ва ҳар қайсингиз Исо Масих номидан сувга чўмилиб имон келтиринг”, деб буюрган Инсон сув қайтадан янгилайди деб айтмаган. У бу нарсани “Худодан пок виждонни сўраш”нинг исботидир, деб айтди. Шу холос. Пётрнинг биринчи 3:21: “Мана сув — чўмилиб имон келтириш маросимининг тимсолидир (бу маросим баданни кирдан тозалаш эмас, балки Худодан пок виждонни сўраш демакдир,) сизлар ҳам сувда имон келтирганингизда, Исо Масихнинг тирилиши туфайли нажот топдингизлар ”. Мен шунга ишонаман.

Агар кимда—ким Раббим Исо Масих Номига сувда чўмдирилишдан бошқа чўмдирилишни тарихий гувоҳликлар ёрдамида исбот қилиб бериш мумкин деб янглишса, унда мен унга тарихий гувоҳликларни ўқиб чиқишни ва ўзи амин бўлишини маслаҳат берар эдим. Қуйида, 100—йилда, Римда чўмдирилиш тўғрисида ТАЙМ журналининг 1955 йил 5 декабрдаги сониди берилган гувоҳлик келтирилади: “Имонлилар жамоатининг хизматкори кўлини кўтарди ва Публий Деций ҳовузга олиб борадиган эшикдан чиқди. Ҳовузда белигача сувга ботиб ўтин сотувчи Марк Васка турар эди. Публий ҳовузга тушиб унинг ёнига келиб турганида, у жилмаяр эди. У сўради: ‘Ишонасанми?’ ‘Ишонаман’, — жавоб қилди Публий. — ‘Қутқарилишимни Понтий Пилат томонидан хочга михланган Исо Масихдан олаётганимга ишонаман. У билан Абадий Ҳаётга эга бўлиш учун У билан ҳалок бўлганман’. Сўнг у ўзини орқага ташлаб

ховузга ботиб кетганида, уни қандай кучли қўллар ушлаб турганини сезди ва муздай сув уни қоплашидан илгари Маркнинг овозини эшитди: ‘Мен сени Раббим Исо Масих Номига чўмдираман’.”

То ҳақиқат ўз кучини йўқотмагунча (ва шу охирги давргача қайтиб келмаган, яъни Никейдан то шу юз йилликнинг бошигача), Раббим Исо Масих Номига чўмдиришган. Бироқ ҳақиқат қайтди. Иблис ваҳийни яшира олмайди, Рух уни бермоқчи бўлса.

Ҳа, агарда учта Худо бўлганида эди, унда сиз ҳам Ота, ҳам Ўғил ва ҳам Муқаддас Рух Номига жуда яхши чўмдира олардингиз. Бироқ **ЮХАННОГА ЯГОНА ХУДО** бор ва Унинг исми — **РАББИМ ИСО МАСИХ** деб Ваҳий берилган эди ва сиз ягона фақат **ЯГОНА** Худо учун сувда имон келтиришни қабул қиласиз. Мана нима учун Пётр Эллигинчи кунда шу тарзда чўмдирган. У шундай деб айтаётган ваҳийга содиқ эди: “Шундай қилиб аниқ бил, бутун Исроил хонадони; сизлар хочга михлаган **ЎША ИСОНИ**, Худованд “**БИР ВАҚТДА РАББИМ ВА МАСИХ** этиб тайинлади”. Мана У Ким — “**РАББИМ ИСО МАСИХ**”.

Агар Исо “**БИР ВАҚТДА**” Раббим ва Масих ҳисобланса, унда У (Исо) танада келган **БИТТА** Шахсдаги “Ота, Ўғил ва Муқаддас Рухдир”, бу шундай ва бундан ўзгача бўлиши мумкин эмас. Бу “муқаддас учлик, учта шахсдаги Худо” **ЭМАС**, бироқ **ЯГОНА ХУДО**, **ЯГОНА ШАХС** учта муҳим унвони билан, бу унвонлар намоишининг уч фаолияти билан. Яна бир бор қулоқ солинг. Худди ўша Исо “**БИР ВАҚТДА Раббим ва Масих**”. Раббим (Ота) ва Масих (Муқаддас Рух) — бу Исо, демак У(Исо) экан — бу бир вақтда уларнинг **ИККОВИ** (Раббим ва Масих).

Агар бу Тангри Таолонинг ваҳийсини кўрсатмаса, унда энди ҳеч бир нарса кўрсата олмайди. Раббий бошқа бир кимса **ЭМАС**; Масих бошқа бир кимса **ЭМАС**. Шу Исо Раббим Исо Масихдир — **ЯГОНА ХУДО**.

Бир куни Филипп Исога деди: “Раббий, бизларга Отани кўрсат, шу биз учун етарли!” Исо унга деди: “Мен шунча вақтдан бери сизлар билан биргаман—у, Мени танимайсанми? Мени кўрган Отамни кўрган бўлади. Энди сен қандай қилиб, Отани бизларга кўрсат, деяпсан? Мен ва Отам ягонамиз”. Бир

куни мен шу жойни ўқидим ва бир аёл деди: “Шошманг, жаноб Бранхам, лекин сиз ва сизнинг рафиқангиз ҳам яғонасиз—ку”. Мен жавоб қилдим: “Бу мановда эмас”.

У айтди: “Тушунтириб беринг, илтимос?”

Мен унга айтдим: “Сиз мени кўряпсизми?”

У жавоб қилди: “Ҳа”.

Мен сўрадим: “Сиз менинг рафиқамни кўряпсизми?”

У жавоб қилди: “Йўқ”.

Мен айтдим: “Унда бу яқдиллик бошқа маънода, чунки у айтган: ‘Мени кўрган Отамни ҳам кўрган бўлади’.”

Пайғамбар кечки пайт нур келади деб айтди. Қўшиқда айтишганидек:

Кечки пайт пайдо бўлар Нур,
Шон—шарафга йўл топа оласан.
У — Исо Исмидир, биз учун қимматли,
Сувли йўлда бугун ўша Нур.
Ёшу—қари, гуноҳ учун тавба қил,
Муқаддас Рух ила етакланасан.
Худо ва Масих Яғоналиги
Далилдир бу — келди кечки Нур.

Яқиндагина мен бир Яҳудий Рухонийси билан суҳбатлашиб қолдим. У менга айтди: “Сиз, мажусийлар, яҳудийга уч бўлакка бўлинган Худони кўрсата олмайсиз. Биз буни жуда ҳам яхши биламиз”.

Мен унга дедим: “Бу шундай, Рухоний. Биз Худони уч бўлакка ажрата олмаймиз. Ахир сиз пайғамбарларга ишонасиз, шундай эмасми?”

У айтди: “Албатта”.

“Сиз Ишаъёнинг 9:6 даги башоратларига ишонасизми?”

“Ҳа”.

“Пайғамбар у ерда ким ҳақида гапирди?”

“Нажоткор тўғрисида”.

Мен сўрадим: “Нажоткорнинг Худога қандай алоқаси бор?”

У жавоб қилди: “У Худо бўлади”.

Мен айтдим: “Тўғри”. Омин.

Сиз Худони учта шахсга жойлаштира ёки уч бўлакка ажрата олмайсиз. Сиз яхудийга алоҳида Ота, Ўғил ва Муқаддас Рух бор деб айта олмайсиз. У сизга дарров бу ғоя қаердан пайдо бўлганини айтади. Бу диний таълимот Никей Соборида тасдиқланганини яхудийлар билишади. Улар бизларга мажусийлар деб нафрат билан қараши ажабланарли эмас.

Биз ўзгармас Худо тўғрисида гапирмоқдамиз. Яхудийлар ҳам бунга ишонади. Жамоат бўлса бу ўзгармас Худони ўзгартирди ва БИТТАДАН УЧТАНИ яратди. Бироқ кечки пайт нур қайтмоқда. *Бу ҳақиқат яхудийлар Палестинага қайтаётган пайтда келгани ажабланарли.* Худо ва Масих — ЯГОНАДИР. Шу Исо БИР ВАҚТДА РАББИМ ВА МАСИХДИР.

Юҳанно ваҳий олди ва шу Ваҳий ИСО эди ва У Ўзини айнан шу ерда, Ёзувда кўрсатди: “Мен Ҳозир Бор, Азалдан Бор Бўлган, Келажакда Бор Бўлгуси Сарвари Коинот. Омин”.

Агар ваҳий сизга тушунарсиз бўлса, нигоҳингизни Худога қаратинг ва Унинг ёрдамини изланг. Бунга эришишингизнинг ягона йўли шу. Ваҳий Худодан келиши керак. У ҳеч қачон инсондан, инсоний табиий қобилиятлар орқали келмайди, балки Рухий қобилият орқали келади. Сиз Ёзувни ёддан айтиб беришингиз мумкин ва бу ажойиб бўлса—да, бироқ сизга ёрдам бера олмайди. Бу Худодан келган ваҳий бўлиши керак. Каломда айтилганки, ҳеч ким Исони Муқаддас Рухсиз Масих деб айтолмайди. Сиз Муқаддас Рухни қабул қилишингиз керак ва шунда ва фақат шунда Рух сизга Исони Масих: Худо, Мойланган, деб ваҳий беради.

(“Жамоатнинг Етти Даври” китобидан)

VOICE OF GOD RECORDINGS
PL 1, 02761 ESPOO, FINLAND

VOICE OF GOD RECORDINGS
P.O. Box 950, Jeffersonville, Indiana 47131 U.S.A.

Copyright notice

All rights reserved. This book may be printed on a home printer for personal use or to be given out, free of charge, as a tool to spread the Gospel of Jesus Christ. This book cannot be sold, reproduced on a large scale, posted on a website, stored in a retrieval system, translated into other languages, or used for soliciting funds without the express written permission of Voice Of God Recordings®.

For more information or for other available material, please contact:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org